



DEO OPTIMO MAX.
UNI ET TRINO,

VIRGINI DEI - PARÆ ET S. LUCÆ
Orthodoxorum Medicorum Patrono.

QUÆSTIO MEDICA,

*CARDINALITIIS DISPUTATIONIBUS
manè discutienda in Scholis Medicorum, die Jovis decimo-quinto
mensis Martii, Anno Domini M. DCC. LIX.*

M. JOANNE-BAPTISTA BOYER,
Facultatis Decano, Regii ordinis Equite, Regis Consi-
liario Medico in supremo Senatu ac in Præfecturâ Pa-
risiensi, Militarium Regni Nosocomiorum inspectore,
Censore Regio, Regiæ Societatis Londinensis Socio &
Regii Medicorum Nanceïanorum Collegii Socio Hono-
rario, Doctore Medico, Præside.

An ad sanitatem ut corporis, sic & mentis exercitatio?

I.



T suæ felicitatis, ita & suarum miseriarum artifex homo.
Naturæ vertit in crimen quod sit incerta fallaxque valetudo,
vita fluxilis, promptior lethi necessitas. Quin potius accu-
semus ingluviem, intemperantiam, effrena animi pathemata,
enerem indomitam, torporemque illum quem sub otii no-
mine summum tibi bonum animis fingunt plurimi. Ità ho-
mini bene consuluit natura, ut illa voluerit cætera animalia ab homine non

A

(a) *Vid. Thef.
an omnium
animalium
homo robu-
tissimus, ann.
1710. M. de
la Hire.*

solâ rationis præstantiâ, sed etiam corporum robore superari. (a) Homo namque inter animalia solus qui quadraginta per annos non cesset à laboribus variis, continuis, multiplicibus. Tanta infita est corpori ejus vis vitæ, ut nullus alius animalis tantum sit robur, quod æquè superare possit incommoda, quæ perpetuò viventibus procreant inevitabilis aëris necessitas, tempestatum vicissitudines, caloris & frigoris vices, regionum aspectus varii, varietasque alimentorum. Quacumque enim patet terrâ reperiuntur homines, solaque species hominum habitat ubique. Cessamus igitur ab injustis questibus, ultroque cum Quintiliano profiteamur: *frustra mala omnia ad crimen natura relegamus, nemo nisi suâ culpâ diu debet.* Verum & se ipso & iis quæ ipsum circumambiunt homo nescit uti. Intemperans est, gulæ deditus; noctis dieique vices mutat, ita ordinem naturæ subvertit, ut ætate glaciem amet, hyeme frigus cautiùs vitet. At inter rerum non naturalium crebros abusus, undè infirma hominum valetudo degenerique humanæ speciei ruina, non ultimus numerandus, torpor sive corporis, sive animi.

I I.

QUANTUM ad robur & sanitatem conferat corporis exercitatio, ut innumera probant rerum experimenta, sic uno ore omnes conclamant (a), *Ignavia*, ait Celsus, *corpus hebetat, labor firmat, illa maturam senectutem, hic longam reddit adolescentiam.* (b) Chæneus verò motus & quietis commodam institutionem non minoris ferè ad vitam sanam momenti esse, quàm ad ipsam vitam nutrimentum, affirmat. (c) Boerrhavius ipse noster motum corporis ad primum usque exortum lenissimi sudoris, vel usque ad sensum incipientis lassitudinis commendat. Exindè fortasse fertur quod ipse solitum habuerit unâ quâque die equum conscendere, atque duarum circiter horarum spatio, indulgere exercitio: scilicet ut experiretur quid in robusto corpore mens sana possit exequi. Etenim illæ gentes cæteris populis & animorum & corporum viribus præstiterè semper, quas labor magis impiger induraverat. Quàm ingens, *reserente Tacito*, Germanis olim corporum robur, quàm firma illis animorum constantia, cùm libertatis amor Romanæque servitutis odium ipsos exerceret. Gentium Regina succubuit victrix Roma, postquam cives ejus otio difflexerunt. Ipsam subvertit dura gens quam aluerat septentrio: adeò nihil non superat labor improbus. Et verò mollis est Asiaticus non solummodo quod ejus membra calor resolvat, sed insuper quod facilis pateat undiquè campus rerum omnium quæ sunt ad vitam necessariæ ex se, proprio telluris munere, absque hominum labore ferax; dum contrariâ ex parte durus septentrionis incolæ non nisi defatigatus altos montes superat, densa penetrat nemora, gelu constructam aratro scindit tellurem, nec nisi multo labore vitæ sustentamina sibi congerit. Sed quid opus externis? Ruricola quàm robusto corpore, quàm firmâ gaudet valetudine! Magnatibus verò quàm delicatula corporum compages, quàm obnoxia millenis morbis rustico incognitis. Melius antiqui quàm nos. Jure enim suo Athenensium, Lacedæmoniorumque Legislatores Gymnasticam artem tantoperè commendabant; quin eam ipse Lycurgus sacrâ religionis autoritate confirmatam voluerat. Sed quid molior multa? Natura pueros quos amat adhuc, gremioque foveat, ut pote puros innocuosque à contagio vitæ, perpetuò invitât ad cursus, subultus, generis omnis motus. Ipsa inter eos choræas agitât manumque sublevar, Miserimum nobis quòd deinceps longius à naturâ recedamus.

(a) Lib. 1.
cap. 1. p. 20.
(b) Cap. 4.
S. 1.
(c) N. 104.

QUAMVIS quænam vincula corpus & animum conjungant inter se; ex quo extitere Philosophi, disputatum fuerit, nec dum inventum sit ac demonstratum; nihilominus manet inconcussum, in homine præter corpus dari substantiam dissimilem à corpore, inextensam, cogitantem, animi nomine insignitam. Utriusque illius substantiæ divinitus unitæ, tale existit commercium, ut utraque agat in se reciprocè. Namque non solummodo morborum pestes mentem perturbant, sed & variæ animi affectiones varia producant in corpore symptomata. Undè ad sanitatem corporis multi referunt qualem servaveris animæ statum. Nam non cogitandum aut fingendum cum quibusdam omnem animi affectionem omnino pendere à corpore; omniumque pathematum corporeas existere causas. Nihil potest assignari in corpore amorì aut odio simile. Illa non in organis, sed sunt in animâ. Et quemadmodum Logici docent calorem non inesse in igne, sed intrâ animam, sic amor aut odium insunt non in nervis variè motis, sed in mente. (a) Atque ita tametsi sumus instructi, ipse ait Boerhaavius, ut hac conditio mentis, amoris aut odii exciet in corpore motus. Undè mentem in corpus agere probatur abundè, cum in corpore motus mens excitet. Sed si sit mens agens in corpus, refert quales, quantos, quàm placidos aut inordinatos in ipso motus suscitet. Nunc verò demonstrandum incumbit quòd, mens si diutius torpescent nec longo didicerit usu suos motus moderari, impossibile esse, ut, multis in casibus, ea quæ sunt utilia, de corporis motibus statuere possit.

(a) N° 573

I V.

QUEMADMODUM exercitio corpus induratur, sic labore mens firmatur, apriorque evadit rerum naturas callere earumque prætorum justis æstimare. Exindè molestiæ quæ nos quotidie quamdiù vivimus lacescunt; hujusque humanæ nostræ conditionis indivulsæ sunt comites, cum miseriæ & cruciatus procreant iis hominibus quorum mens est levior, omni proindeque muliercularum genti, sapientem feriunt impavidum. Animum verò regere quanti ad sanitatem corporis intersit, quis non videt? Verum quis modus animum servare tranquillum adversus seipsum, civium injurias, beliatorum furores, suorum funera, nisi adversus tanta hæc mala in scriptis Philosophorum præsidia sumendo? Quantas in corpore tragedias excitet immoderatus animi impetus, sola satis demonstrat ira, dum torvo lumine vultum, modò pallore, modò intenso rubore suffundens, dentibus infrendit, atque omnis generis vasorum canale coarctato angustatoque spiritum pluribus intercludit. (a) Suo jure Parisiensis Scholæ Magister thesim scripsit quæ demonstrat omnes animi passiones, exceptâ moderatâ lætitiâ, sanitati nocere. Namque vel fibras laxant, harumque tonum omnino subvertunt, vel eas tendunt nimis, mortemque cum rigiditate citius inferunt omnia animi pathemata. Dicat Sanctorius ut insensibilem transpirationem turbare, mutare, sistere, valeant animi affectus. Dicant Practici quanti in morbis momenti sit placido esse animo; quot morti tradat vesanus mortis timor; quotiès præjudicata opinio insanabilia reddiderit ea, quæ periculi nihil habebant. (b) Digna quæ notetur historia virginis cujusdam Massiliensis, quæ, tempore quo pestis Massiliam depopulabatur, peste cum ipsa tentaretur, ad hunc pervenit morbi gradum, ex quo vitæ reddebatur nullus, unaque pluria inter millia convalescit, ex eo scilicet, quòd quo instante decubuit, ipsi cum fucum facerent Medici, salubri errore delusa, alio quàm peste morbo se laborare, quamdiù duravit ipsius morbus, arbitrata est. Ipsi verò Medici undè noso-

(a) Anno 1731. Præfide. M. Preaux.

(b) Traité de la Peste pag. 276.

comia, pestiferorum domos, mortis atria ingrediuntur illæsi, nisi quia mens ipsis cum sit exercitata magis, sapientior quoque & firmior est, nec eaque turbetur iis quæ cæteris hominibus vix sunt tolerabilia. At verò gens melancholicorum, ad quos maximè pertinet nostra propositio, undè tot miseris cruciatur, vexaturque? Non tam in ventriculo lenta morbi tabes, non tam in obstructis visceribus, aut denso nec circulante purpureo latice recondita latet, quam in eorum vivendi genere. Maximum illis malum est otium, maximà pestis vitæ pondus & horarum. Hinc ipsis vel levissimus in vitâ eventus infert supplicii est, ægraquè mens trahit infons corpus in partem magnam miseriarum. Vis citò convalescant? Aliquod negotium iis suscita, facque ita, ut ex otio disturbentur.

V.

NEC obijciat aliquis magnam hominum partem, agricolas nempe, omnique generis artifices, integerrimè gaudere sanitate absque ullâ mentis exercitatione. Hi namque homines, operibus suis dum sunt intenti, minimè sunt otiosi. Quemadmodum enim litteratis hominibus deambulare exercitium, sic rustico, vel levis animi attentio, labor est. Diversa namquè sunt, ut corporum, sic ingeniorum, pro diversis tum ætatibus, tum conditionibus instituenda exercitii genera. Præclare igitur Galenus, (a) *feri, potest ut idem motus alteri sit exercitatio, alteri non sit.* Non igitur matribus nostris, magnatibusque viris, autor fuëim ut mollia frangant duris membra laboribus; ipsos sed ad jucundiora, nec minùs utilia, invitaverim. Quod sibi scientiarum aut artium genus placeat magis, quisque videat & quò trahit sua voluptas, sequatur. Dulce sequi quidquid placeat: & tot habet rerum natura quæ placere possint. Si te juvant cantus, cantare bonum, mollesque agitare choræas. Multa potens agere in corpus nostrum musica, quæ trahit in consensum volentes nolentisque; (b) cui orbis imperium, à Romanis occupatum, referre non dubitavit magnus inter multos Gallorum duces, comes *Saxonius*. Enim verò dum nervus auditorius, tam crebras multiplicesque ac miras in corpore jungit conexiones, quos ab aëre tremores accepit, in toto corpore diffundit, totaque intus moles agitur. Dulce quoque est errare silentibus in sylvis ubi teneros amores avium populus suspirat; aut viridem peragrarè pratium, florumque carpere odores. Nec omiserim, blandam voluptatem, historiarum naturalis studium. Illo namque studii genere mens eruditur, corpusque exercetur. Utile quidquid corpus aut mentem exercet, utilis & mentem & corpus simul exercere. Cuicumque igitur sanitas curæ est, ille & animi & corporis, angue pejus, otium vitet.

Ergò ad sanitatem, ut corporis, sic & mentis exercitatio,

Proponebat Parisiis PETRUS-JOANNES CLAUDIUS MAUDUYT
DE LA VARENNE, Parisinus, Saluberrimæ Facultatis Medicinæ
Parisiensis Baccalaureus, Theos Author, A. R. S. H. 1759.

A SEXTA AD MERIDIEM.